



## Fundargerð hverfisráðs Reykjahverfis 21.11.2018

Formaður setti fund kl 20.00 í Heiðarbæ og bauð velkomin þau Hilmar Kára, Aðalheiði og Rúnar til fundar.

### 1. Brunavarnamál.

Í Reykjahverfi er einn brunahani, nánar tiltekið í Hrísateigi, en það liggur mjög takmarkað vatn að honum. Athygli vakti þegar stórslysaæfingin var á Aðaldalsflugvelli síðast liðið sumar, þá var liður í æfingunni að sækja vatn í næsta brunahana en hann reyndist tæpast nothæfur miðað við þær kröfur sem gerðar eru. Þótti viðbraðgsaðilum þetta óþægileg uppgötvun meðan á æfingu stóð, að ekki náðist vatn úr brunahananum með viðunandi hætti. Fundurinn telur ástæðu til að bæta úr þessu með t.d. víðari lögn að brunahana. Einnig hvetur ráðið sveitarstjórn og Slökkvilið Norðurþings til að fara yfir aðkomu að vatni hjá öðrum íbúðarhúsum og fyrirtækjum á svæðinu.

Jafnframt vill hverfisráð hvetja til þess að íbúar láti yfirfara brunavarnir hver hjá sér, þar með talið reykskynjara, slökkvitæki og önnur öryggistaeki.

### 2. Flutningskostnaður raforku í dreifbýli.

Hverfisráð hvetur sveitarstjórn Norðurþings til að vinna með öðrum sveitarstjórnum í dreifbýli að því mikilvæga málefni að flutningskostnaður raforku í dreifbýli verði lækkaður verulega. Þetta er vaxandi hagsmunamál fyrir öll þau fyrirtæki sem eru starfandi í dreifbýli og íbúa almennt.

### 3. Endurnýjun stofnæðar hitaveitu í Reykjahverfi (sbr fundargerð OH frá 1. nóv sl.)

Hverfisráð fagnar því að endurnýjun stofnæðar sé komin á framkvæmdaáætlun og óskar eftir því að fá framkvæmdaáætlun verksins til kynningar og umfjöllunar.

### 4. Umferðaröryggismál.

Hverfisráð þakkar fyrir þær úrbætur sem urðu þegar hámarkshraði var lækkaður á svæðinu Hveravellir - Reykjavellir. Jafnframt minnir það að það þarf meira til að bæta úr þessum málaflokki. Má þar nefna vegræsi fyrir rekstur búfjár þar sem þjóðvegur sker jarðir með tilheyrandi slysahættu þegar bændur þurfa að reka búfé þar yfir. Einnig þarf að bæta veginn frá Skarðaborg og norður í Laxamýri þar sem hann er mjög öldóttur og hafa alvarleg slys orðið vegna þess.

### 5. Umhverfismál, skógrækt, stígagerð við Hrísateig og víðar.

Hverfisráð bendir sveitarstjórn á að víða í Reykjahverfi eru svæði sem henta vel til kolefnisjöfnunar, með t.d. aukinni skógrækt ásamt landgræðslu. Liður í því er að gera stíga um svæðin svo auðvelt sé að komast um til að vinna þar og um leið gera þau aðgengileg fyrir íbúa til útivistar. Í þessu samhengi er hvatt til samstarfs við Skógræktarfélag Reykhverfinga. Friðaða svæðið við Hrísateig er dæmi um land þar sem hefur verið plantað undanfarin ár og Rúnar Óskarsson hefur verið að vinna þar mjóða vegslóða til að bæta aðgengi.

### 6. Heimreiðar í Reykjavík.

Hverfisráð minnir að það ófremdirarástand sem er á mörgum heimreiðum í Reykjavík og að varanlegra úrbóta er þörf nú sem aldrei fyrr.

MSJ  
JKD  
WMM  
KHM



7. Staða sorphirðumála í Reykjahverfi.

Hverfisráð vill benda á að ósamræmi er í útgefnu sorphirðudagatali og sorphirðudögum í Reykjahverfi. Ær þess óskað úr þessu verði bætt og ekki líði meira en 2 vikur á milli sorphirðu, en ekki verði líkt og er á útgefnu dagatali, sótt annars vegar með viku millibili og 3ja vikna millibili. Einnig er þess óskað að sorpið sé sótt ákveðna fasta vikudaga.

8. Stjórnsýsla Norðurþings.

Hverfisráð lýsir yfir áhyggjum vegna sundurlyndis innan stjórnsýslunnar sem endurspeglast í m.a. fundargerðum sveitarstjórnar og nefnda sveitarfélagsins.

Fleira ekki tekið fyrir og fundi slitið kl 21.27.

Fundi slitið kl 22.10.

Maria Sanþruð Jónsdóttir  
Ríkisfiskrði Þorgímsd.  
Þórus/ Ólafur-  
Hilmar Karl